

|                      |             |            |       |
|----------------------|-------------|------------|-------|
| REPUBLIKA E KOSOVËS  |             |            |       |
| KOMUNA GLLOGOC       |             |            |       |
| GLLOGOC MUNICIPALITY |             |            |       |
| Pranuar              |             | 10.01.2023 |       |
| Nj. Org.             | Numër       | Shënues    | Vlera |
| 02                   | 052/01-1680 |            |       |



Republika e Kosovës  
Republic of Kosovo



Komuna e Drenasit  
Municipality of Drenas

|        |                                                                         |
|--------|-------------------------------------------------------------------------|
| Për:   | Kuvendin Komunal të Drenasit                                            |
| Cc:    | Kryesuesi i Kuvendit Komunal zt. Milaim Hajdari                         |
| Nga:   | Komiteti Konsultativ për Arsim, Kulturë, Rini dhe Sport                 |
| Lënda: | Rekomandimet e Komitetit Konsultativ për Arsim, Kulturë, Rini dhe Sport |
| Datë:  | 10/01/2023                                                              |

## Rekomandimet e Komitetit Konsultativ për Arsim, Kulturë, Rini dhe Sport për vitin 2022

Gjatë vitit 2022, ne, Komiteti Konsultativ për Arsim, Kulturë, Rini dhe Sport kemi mbajtur gjashtë mbledhje, raportet e të cilave janë dorëzuar më kohë tek personat përgjegjës.

Të gjitha rekomandimet e listuara në këtë raport kanë dalë pas hulumtimeve që kemi bërë, ne, anëtarët e Komitetit Konsultativ për Arsim, Kulturë, Rini dhe Sport, si dhe pas takimeve të drejtëpërdrejta me mësimdhënës, drejtor shkollash, prindër, nxënës, student, sportist, udhëheqës të klubeve të ndryshme sportive, udhëheqës të ansambleve, që funksionojnë në komunën tonë, përfaqësues të OJQ-ve, që fushëveprimtari kanë kulturën, rininë dhe sportin, etj. Fillimisht kemi listuar rekomandimet për fushën e arsimit, mandej rekomandimet për fushën e kulturës, rinisë dhe në fund rekomandimet për fushën e sportit.

### Rekomandimet për fushën e arsimit

- DKA t'i shqyrtojë konkurset pa vonesa, sepse në shumë raste procedurat janë tejzgjatur dhe nxënësit kanë mbetur pa mësimdhënës për një kohë.
- DKA të vazhdojë t'i pajisë shkollat me teknologji dhe mjete tjera të konkretizimit, sepse ende ka shkolla që kanë mungesë të theksuar të mjeteve të konkretizimit. Për më tepër ende ka shkolla, ku mungojnë edhe hartat, të cilat janë më se të domosdoshme për mbajtjen e mësimin në lëndën e gjeografisë.
- DKA të vazhdojë me ndërtimin e sallave sportive në shkolla, sepse shumë shkolla kanë vështirësi në organizimin e mësimin të lëndës së edukatës fizike gjatë periudhës së dimrit.

- DKA ta trajtojë seriozisht çështjen e nxënësve me nevoja të veçanta. DKA përmes psikologut t'i përkrahë shkollat, që kanë nxënës me nevoja të veçanta. Në shumë raste mësimdhënësit dhe drejtorët e shkollave janë ankuar se përkundër kërkesave të tyre në DKA, shkollat NUK janë vizituar nga psikologu. Pra, DKA-ja të shqyrtojë seriozisht trajtimin e nxënësve me nevoja të veçanta drejtëpërdrejt nga psikologu i DKA-së ose të punësojë psikologë me bazë në shkollë, për shkak se disa nxënës kanë nevojë për trajtim të shpeshtë nga psikologu. Po ashtu DKA-ja përmes ekipës për vlerësimin e nxënësve me nevoja të veçanta të bejë vlerësim objektiv të nxënësve duke marrë në konsideratë edhe raportet e psikiatrit dhe psikologut klinik. Në raste të jashtëzakonshme MOS të insistoje në përfshirjen e këtyre nxënësve në shkolla të rregullta, sepse janë barrë e papërbalueshme për shkollën dhe mësimdhënësit, përfshirë këtu edhe mësimdhënësit mbështetës. Po ashtu DKA të sigurojë transport për këta nxënës.
- DKA mundësisht të sigurojë shërbimin pedagogjik-psikologjik për secilën shkollë, d.m.th. të sigurojë psikolog ose pedagog për secilën shkollë të paktën një ditë në javë.
- Po ashtu në zonat rurale ku nuk ka ndriqim DKA të sigurojë transportin për nxënës edhe nëse është distanca më e shkurtë se 4 km, për shkak të rrezikut nga qentë endacak.
- DKA të hartojë një plan të detajizuar për sistemimin e mësimdhënësve ekzistues, sepse viteve të fundit kemi rënie rapide të nxënësve në komunën tonë. Pra, DKA të këtë kujdes me shpalljen e konkurseve për mësimdhënësit të rinj, së pari t'i plotësohen normat mësimdhënësve ekzistues apo edhe të shfrytëzohet mundësia e transferimit të mësimdhënësve nga një shkollë në tjetrën. Gjithnjë duke u bazuar në performancën e mësimdhënësit. DKA duhet të këtë kujdes me listën e pagave, sepse numri i mësimdhënësve që janë jashtë listës së pagave është i konsiderueshëm.
- DKA të shfrytëzojë përvojat e komunave përreth dhe ta zgjidhë çështjen e pagesave të shujtave dhe udhëtimit të mësimdhënësve për kohën sa ka qenë në fuqi kontrata kolektive, sepse realizimi i këtyre pagesave përmes përmbaruesve privat po e dëmton buxhetin e komunës së Drenasit.

### **Rekomandimet për fushën e Kulturës**

- DKRS të hapë thirrjen për ndarjen e subvencioneve për aktivitete kulturore, rinore dhe sportive në fillim të vitit kalendarik.
- Fondet të cilat janë ndarë për kulturë në veçanti janë minimale krahasuar me dikasterin e sportit. Pra, ka diferencë jashtëzakonisht të madhe ndërmjet këtyre dikastereve.
- DKRS të përkrahë OJQ-të, që fokus të veprimtarisë së tyre e kanë aktrimin, e të cilat mund ta luajnë rolin e trupës së teatrit të qytetit, pasi që teatri është votuar nga Asambleja Komunale e Drenasit.
- Komuna e Drenasit të shqyrtojë mundësitë për të ndërtuar një sallë multifunksionale për aktivitetet kulturore në të cilën përfshihen teatri, salla koncertale, muzeu, biblioteka e qytetit, kinemaja, salla për prova teatrale, valle dhe balet, sallë provash për orkestër, galeri punë për artistët vizuel të Drenasit, punëtori për skulptorë, piktorë etj.

- Të themelohet ansambli i qytetit, i cili mund të jetë në varësi të DKRS-së dhe Ministrisë së Kulturës. Kjo çështje tashmë është e rregulluar me ligjet e Kosovës. Në ansamblin e themeluar nga Komuna e Drenasit do të përfshiheshin anëtarët e të gjitha shoqërive kulturore artistike të cilat tashmë ekzistojnë dhe veprojnë në Drenas.
- Të krijohet një hapësirë, muze, për ansamblin ndër më të vjetrit jo vetëm në Drenas por edhe në nivel të Kosovës, Sh.K.A “Shotë Galica”, e cila gjatë gjithë këtyre viteve ka grumbulluar numër të madh të çmimeve, mirënjohjeve, etj. nga festivale kombëtare e ndërkombëtare. Këtë hapësirë do të mund ta shfrytëzonin edhe ansamblet tjera që funksionojnë në komunën tonë.
- Të identifikohen ansamblet aktive në komunën e Drenasit dhe në varësi të punës që ato ofrojnë, numrit të anëtarëve që kanë, të rregullohet edhe ndarja e subvencioneve.
- Të rikthehen festivalet e rëndësishme dhe historike të Drenasit siç janë “Ditët e Humorit”, “Revista Burimore Folklorike”, sepse kanë një rëndësi në rritjen e interesit për artin e bukur folklorik që e kemi si popull e gjithashtu për të sjellë ansamble të ndryshme nga anë e mbanë trojet shqiptare, ashtu siç kanë ardhë në të kaluarën, që nga viti 1962.
- Të financohen më shuma më të mëdha festivalet aktuale që organizohen në komunën tonë, siç janë “Drenasi Fest”, “Muaji i Mërgatës”, “Tingujt e Vendlindjes” etj.
- Të ndahen për çdo fundvit çmime për artistët e dalluar të Drenasit, ngjashëm siç ndahen çmimet për sportistët e vitit.

#### **Rekomandimet për fushën e Rinisë**

- Komuna e Drenas të shqyrtojë mundësinë e ndarjes së bursave ndërkombëtare për studentët e komunës sonë.
- Komuna e Drenasit të krijojë një fond të veçantë për inovacion dhe teknologji në të cilën të rinjtë tanë do të kenë mundësi të thellohen në atë që është bashkëkohore, teknologjinë, që sot për sot është gati e domosdoshme në pikëpamjen e avansimit të të rinjve tanë.
- Komuna e Drenasit t’i njoftojë me kohë të rinjtë e komunës sonë për grantet dhe subvencionet që ndajnë ministrinë, ambasadat apo edhe OJQ-të e ndryshme. Po ashtu t’i informojë ata me procedurat e aplikimit.
- Komuna e Drenasit t’i mundësojë të kenë qasje në objektin e Qendrës Rinore të gjitha OJQ-ve që funksionojnë në komunën tonë e që fokus e kanë rininë.

#### **Rekomandimet për fushën e Sportit**


- Komuna e Drenasit të nxisë bashkëpunimin ndërmjet bizneseve që operojnë në komunën tonë dhe klubeve sportive. DRKS të organizojë takime konsultative me bizneset dhe klubet sportive, meqë tashmë ligji për sponzorizim është në fuqi, t’i njoftojë bizneset për përfitimet e tyre nga ky ligj nëse sponzorizojnë klubet sportive.
- Komuna e Drenasit të vendosë staza për biçiklistë, kështu do të ndikonte në mbrojtjen e mjedisit dhe do të ndihmonte klubin e çiklistëve në veprimtarinë e tyre.

- Të vazhdojë ndërtimi i shumë fushave sportive sintetike në lokalitete të ndryshme në komunën tonë dhe kështu do të nxitën të rinjtë të merren me aktivitete sportive.
- DKRS të sigurojë transportin dhe ushqimin për nxënësit e shkollave pjesëmarrëse në garat e organizuara nga ta. Meqë, mësimdhënësit e edukatës fizike zakonisht ankohen se DKRS vetëm organizon këto gara, ndërsa barra për transport dhe ushqim i bie direkt shkollave dhe mësimdhënësve.
- DKRS t'i përkrahë financiarisht të gjitha turniret e sporteve të ndryshme që organizohen në komunën tonë.

Shpresojmë se rekomandimet tona do të trajtohen seriozisht dhe do të merren si të mirëqena dhe dobiprurëse për arsimin, kulturën, rininë dhe sportin në Drenas.

Komitetit Knsultative për Arsim, Kulturë, Rinë dhe Sport në Komunën e Drenasit

Gentrit Mulaku



Resmije Krasniqi - nënkryetare

Nuhi Nika - anëtar

Zyrafete Morina - anëtare

Robert Nuha - anëtar



REPUBLIKA E KOSOVËS  
Komuna e Drenasit (Glllogocit)  
Komiteti për Arsime Kulturë Rini dhe Sport


Nr. 02-05261-1680 dt. 10.01.2023



Mbledhjet e Komitetit për KAKRS sipas temave të shqyrtuara dhe rekomandimeve të dhëna për Komunitetin e Drenasit.

| Nr. | Temat e shqyrtuara gjatë mbledhjes | Data e mbajtjes së mbledhjes | Rekomandimet për Kuvend.                                                                                                                                                                                                                                                                                |
|-----|------------------------------------|------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1   | PLANI VJETOR                       | 21.02.2022                   | NUK KISHTE                                                                                                                                                                                                                                                                                              |
| 2   | Kultura                            | 27.04.2022                   | <ul style="list-style-type: none"><li>DKRS të hapë thirrjen për ndajen e subvencioneve për aktivitete kulturore, rinore dhe sportive në fillim të vitit kalendarik.</li><li>Të rikthehen festivale të rëndësishme dhe historike siç janë "Ditët e Humorit", "Revista Burimore Folklorike etj.</li></ul> |
| 3   | Komitetet- AKRS, PAK, ETJ          | 31.05.2022                   | <ul style="list-style-type: none"><li>Sigurimin e infrastrukturës për "PAK" në shkollë</li><li>Përfishnja e "PAK" në aktivitetet si Kulturë Rini, dhe Sport.</li></ul>                                                                                                                                  |
| 4   | Arsimi                             | 20.10.2022                   | <ul style="list-style-type: none"><li>DKA t'i shqyrtojë konkursat pa vonesa, sepse në shumë raste procedurat janë tejzgjatur dhe nxënësit kanë mbetur pa mësimdhënës për një kohë.</li></ul>                                                                                                            |

|   |                        |            |                                                                                                                                                                                                                                                                                                                                                                                                                                                         |
|---|------------------------|------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|   |                        |            | <ul style="list-style-type: none"> <li>• DKA mundësisht të sigurojë shërbimin pedagogjiko-psikologjik për secilin shkollë</li> </ul>                                                                                                                                                                                                                                                                                                                    |
| 5 | Sporti, Rini           | 23.11.2022 | <ul style="list-style-type: none"> <li>• Komuna e Drenasit t'i mundësojë qasje në objektin e Qendrës Rinore të gjitha OJQ-ve që funksionojnë në komunën tonë e që fokus e kanë rininë</li> <li>• Komuna e Drenasit të nxitë bashkëpunimin ndërmjet bizneseve që operojnë në komunën tonë dhe klubeve sportive. Pra, DRKS të organizojë takime konsultative me bizneset dhe klubet sportive, meqë tashmë ligji për sponzorizim është në fuqi.</li> </ul> |
| 6 | Komiteti, Rekomandimet | 15.12.2022 | <ul style="list-style-type: none"> <li>• Rekomandimet reth Arsimit, Kultures, Rinis dhe Sportit</li> </ul>                                                                                                                                                                                                                                                                                                                                              |

  
 REPUBLIC OF KOSOVO  
 MUNICIPALITY OF DRENAS  
 Drenas, Kosovo  
 Gentil Mulaku